



UNIVERSITÄTS-
BIBLIOTHEK
PADERBORN

Regula Sancti Patris Benedicti

Benedikt <Montecassino, Abt, Heiliger>

Moguntiae, 1604

Sanctissimi Ac Deo Acceptissimi Monachorum Patris Benedicti, in regulam
suam Prologus.

[urn:nbn:de:hbz:466:1-64533](https://nbn-resolving.org/urn:nbn:de:hbz:466:1-64533)



SANCTISSIMI
AC DEO ACCEPTISSIMI
MONACHORVM PATRIS
BENEDICTI, *in regulam
suam Prologus.*



VSCVLTA, ô fili, præcepta magistri, & inclina aurem cordis tui : & admonitionē pij patris libenter excipe, & efficaciter comple : vt ad eum per obedientiæ laborem redeas, à quo per inobedienciæ desidiā recesseras. Ad te ergò nunc meus sermo dirigitur, quisquis abrenunciāns propriis voluntatibus, Domino Christo vero regi militaturus, obedientiæ fortissima atque præclara arma assumis. In primis, vt quicquid agendum inchoas bonum, ab eo perfici instātissima oratione deprecas : vt qui nos iam in filiorum dignatus est numero computare, nō debeat aliquādo de malis actibus nostris

contristari. Ità enim ei omni tempore de bonis suis in nobis parendum est: vt non solùm iratus pater, non aliquãdò filios suos exhæredet: sed nec, vt metuendus dominus, iritatus malis nostris, vt nequissimos seruos, perpetuã tradat ad pœnam, qui eum sequi noluerint ad gloriam.

Rom 13.

Exurgamus ergò tandem aliquandò, excitante nos Scriptura, ac dicente: Hora est iam nos de somno surgere. Et apertis oculis nostris ad deificũ lumen, attonitis auribus audiamus, diuina quotidie clamãs quid nos admo-

Psal 94.

neat vox, dicens: Hodie si vocem eius

Apoc. 2.

audieritis, nolite obdurare corda ve-

Psal 33.

stra, & iterũ: Qui habet aures audi-

Ioan. 12.

endi, audiat quid spiritus dicat eccle-

siis. & quid dicit. Venite filii, audite

me: timorem Domini docebo vos.

Currite dum lumẽ vitę habetis, nẽ te-

nebræ mortis vos compræhendant.

Et quærens Dominus in multitudine

populi, cui hæc clamat, operarium su-

um, iterũ dicit: Quis est homo qui

vult vitam, & cupit videre dies bonos?

Quod si tu audiens, respondeas, Ego:

dicit tibi Deus: Si vis habere veram &

perpetuam vitam, prohibe linguã tuã

à malo,

Psal 33.

à malo, & labia tua ne loquātur dolū.
 Diuerte à malo, & fac bonum: inquire
 pacem, & sequere eā. Et cūm hęc fece-
 ritis, oculi mei super vos, & aures meae
 ad preces vestras. Et antequā me inuo-
 cetis, dicam: ecce assum. Quid dulci-
 us nobis haec uoce Domini, inuitantis
 nos, fratres charissimi? ecce pietate sua
 demōstrat nobis Dominus uiam uitę.

*Esai. 65.**Ephes. 5lt.*

Succinctis ergo fide, vel obseruan-
 tia bonorum actuum lumbis nostris,
 per ducatum Euangelij pergamus iti-
 nera eius: ut mereamur eum, qui nos
 uocauit, in regno suo uidere. In cuius
 regni tabernaculo si uolumus habita-
 re, nisi illuc bonis actibus currendo
 minimē peruenitur. Sed interroge-
 mus cum Propheta Dominum, dicē-
 tes ei: Domine, quis habitabit in ta-
 bernaculo tuo, aut quis requiescet in
 mōte sancto tuo? Post hęc interroga-
 tionem, fratres, audiamus Dominum
 respondētem, & ostendentē nobis ui-
 am ipsius tabernaculi, ac dicentem:
 Qui ingreditur sine macula, & ope-
 ratur iustitiā: qui loquitur ueritatē in
 corde suo: qui nō egit dolū in lingua
 sua, qui non fecit proximo suo ma-
 lum: & opprobriū non accepit aduer-

Psal. 14.

sus proximum suum. Qui malignum diabolum aliqua suadentem sibi, cum ipsa suasionem sua à conspectibus cordis sui respuēs, deduxit ad nihilum, & paruulos cogitatus eius tenuit, & allisit ad Christum. Qui timentes Dominū, de bona obseruantia sua non se reddunt elatos: sed ipsa in se bona, non à se posse, sed à Domino fieri existimātes, operantē in se Dominum magnificant, illud cum Propheta dicentes: Non nobis, Domine, non nobis: sed nomini tuo da gloriam. sicut nec Paulus Apostolus de prædicatione sua sibi aliquid imputauit, dicens: Gratia Dei sum id quod sum. & iterum ipse dicit: Qui gloriatur, in Domino gloriatur. Vnde & Dominus in Euangelio ait: Qui audit verba mea hæc, & facit ea, similabo eum viro sapiēti, qui ædificauit domum suam supra petram: venerunt flumina, flauerunt venti, & impigerunt in domum illam, & non cecidit: fundata enim erat supra petram. Hæc cōplens Dominus, expectat nos quotidie, his suis sanctis monitis factis nos respondere debere. Ideò nobis propter emédationem malorum, huius dies vitæ ad inducias relaxantur,

dicen-

Psal. 136.

Psal. 113.

1 Cor. 15.

1. Cor. 1.

2. Cor. 10.

Matth. 7.

dicente Apostolo: An nescis quia patientia Dei ad pœnitentiã te adducit? Nã pius Dominus dicit: Nolo mortẽ peccatoris, sed vt conuertatur, & uiuat. Cũ ergò interrogassemus Dominum, fratres, de habitatore tabernaculi eius, audiuius habitandi præceptũ: sed si compleamus habitatoris officiũ, erimus heredes regni cœlorũ. Ergò præparanda sunt corda & corpora nostra sanctæ præceptorum obedientiæ militatura: & quod minus habet in nobis natura possibile, rogemus Dominum, vt gratiæ suæ iubeat nobis adiutorium ministrare. Etsi fugientes gehennæ pœnas ad vitam perpetuam volumus peruenire; dum adhuc vacat, & in hoc corpore sumus, & hæc omnia per hanc lucis * viam vacat implere, currendum & agendũ est modò quod in perpetuum nobis expediat.

Rom. 2.
Ezech. 18.

* al. vitam

Constituenda est ergò à nobis Dominici schola seruitii: in qua institutione nihil asperum, nihilq; graue nos constituturos speramus. Sed & si quid paululũ restrictius, dictante æquitate ratione, propter emendationem vitiorum, vel conseruationem charitatis processerit, nõ ilicò pauore per-

6 PROLOGVS S. BENEDICTI.

Matth. 7.

I. Cor. 1.

territus refugas viam salutis, quæ non est nisi angusto initio incipiēda. Processu verò conuersationis & fidei, dilatato corde, inenarrabili dilectionis dulcedine curritur via mandatorum Dei: vt ab ipsius nunquàm magisterio discedentes, in eius doctrina vsque ad mortem in monasterio perseuerātes, passionibus Christi per patientiā participemur; vt & regni eius mereamur esse consortes.

Prologus declarationum.

AD MONITIPia nostra Regula institutione, qua admonemur, vt Abbas omnia sic temperet, & disponat, qualiter anima saluentur: & quod faciūt Monachi absque murmurationibus faciant. Et alibi: Et ita omnia moderetur Abbas, vt feruentes habeant quod cupiant, & debiles non refugiant. Suffulti etiam auctoritate Apostolica, quedam Regula dubia declarabimus, modificando ea quæ aspera videntur, & nonnullos viuendi modos componendo: vt vniuersitas ceremoniarum in Congregatione nostra seruetur.

INCI-